


Hinc igitur monemur, ut eiusmodi affectionum alieni simus, omniaq; ita temperatè & moderatè à Dei manibus excipiamus, ut in neutram partem excurramus, sed medium servare perpetuò studeamus, iuxta illud :

*Medium tenuere beati.*

Ex his etiam à nobis propositis exemplis, medicus hunc fructum privatim referet, ut in primis caveat, ne nuncium, quod ægris vehementius gaudium inducat, repente deferatur, sed ut singula, quæ ad hoc faciunt, sigillatim, & variis momentis distribuantur, ut motibus illius affectionis, et si hilaris, paulatim tangatur, nec uno impetu abripiatur & solvatur. Præcipiti enim & immoderato gaudio, ut exemplis adhuc pluribus, ni breves esse vellemus, doceretur, plerosque repente concidisse & exanimatos fuisse, certo certius est.



## DE TIMORE.

### Cap. VII.

**I**NTE R alias animi perturbationes sæpius timor nos adoritur, aliasq; affectiones, ut pluperpetuum est rimum tanquam umbra corpus comitatur. Etenim avarum sequitur comes ille perpetuus, à quo semper egestas ac pauperies reformidatur. Ambitionis ambitioni adiungitur, quæ probra & vituperia metuit. Quin & amor eo stipatur, qui nocte dieq; à re

à reamata repulsam pati veretur: perturbatio  
sanè ceteris pertinacior, qua vix ullus carere  
possit, aut eam à se avertere. Imò verò reliquis  
affectionibus prior: Aliæ siquidem malæ aut  
noxiæ esse non possunt, nisi quatenus perstat ea-  
rum causa, qua sublata, tollitur etiam effectus.  
At timor citra ullam causam coniunctam sèpè *Vnde timor*  
nasci potest, ut qui non tantum præsentia refor-  
midet, sed etiam futura, imò quæ nunquam for-  
tè eventura sunt, cum tremore præsigiat.

Malum igitur hoc, quod opinione sola mali  
sæpè subit speciem, nos perpetuò lacescit, ac omni  
quiete non tantum nos privat: sed usq; adeò  
perterret, ut nobis mentem & rationem eripi-  
at, sensus omnes nostros impicit ac confundat,  
lethargicosq; ac prorsus stupidos & immobiles  
reddat. Quin etiam metus vel minimus, omni  
prorsus virtute & robore cor nostrum spoliat,  
tantoq; ipsum constringit frigore, ut omaes fe-  
briles horrores ac rigores facile superet. Hinc  
sensim nascuntur terrores vani, vel incautus et-  
iam ille metus, qui animos percellit, ut verissi-  
mum sit poetæ dictum:

*Pedibus timor addidit alas:*

Tantaq; sit animi ex ea imaginatione perturba- *Terror Pae-*  
tio, ut ab hostibus nos sæpè opprimi, alioqui *nicus.*  
longè dissitis aut nullis, falso nobis persuadea-  
mus. Hinc terror ille qui dicitur *Panicus:* quo  
perculsus est aliquando Brennus Gallorum in  
Græciam trajiciendorum ductor & imperator.  
Tota hæc historia de artificio, conatuq;, quo in  
conservando suo Delphico templo usus est Dæ-

mon impius adversus hostiles Brenni copias, & de origine & causis ingentis illius terroris, habetur apud Iustinum sub fine 24. libri.

Quin & Paulanias disertè de ijsdem terroribus Panicis mentionem facit lib. 10. quibus non nunquam & equi & homines subito, nulla apparente causa consternantur & profligantur.

Scriptum reliquit Sigebertus, quo modo anno 900. per leporum capta sit Roma. Cum enim Arnulphi Imperatoris, à Pontifice Formoso propter seditionem civium evocati, milites lepusculum versus urbem fugientem insectarentur cum clamore: Romani timore exanimati, sese de muro dejecterunt, & hostibus per factos acervos murum ascendendi locum dederunt.

*Roma per leporum capta.*

Ex quibus appetet hos Panicos terrores fieri nulla urgente causa, omnium propè animis uno momento consternatis. At magis particulares sunt timores, in quos facile nonnulli solent incidere, qui variis ob causas oriuntur, saepius occultas, & quarum nullà haberij potest cognitio. Sunt enim quidam, qui vel solo audito hostis strenuissimi nomine, repente expavescunt: quæ admodum Iohannis Huniadis ducis apud Turcas fortissimi nomen formidabile omnibus usq; adeò fuit, & terrificum, ut nutrices ad comprimendos infantulorum vagitus, Huniadem adesse confingerent. Multos ego vidi pueros, iudicio adhuc carentes, larvatum hominem aut nigredine infectum citra terrorē oculis sustinere non potuisse: imò ut coercerentur eorum ciulatus, qui verberibus compesci non poterant: audito

audito solo horridi cuiusdam aut squallidi hominis nomine, & simulata ipsius appellatione, statim obmutuisse, & clamores continuisse, usque adeo naturali imaginatione, citra rationem terrores eiusmodi ab illis concipiebantur.

At non solis infantibus hoc terroris genus accidit, & pueris: verum etiam magnis ac præstantibus viris: nec non ipsis philosophis Stoicis, qui inter alios temperantiae, continentiae, patientiae, aliisq; id genus virtutibus incumbentes, se ab hac perturbatione animi destitutos asserere non potuerunt. Ompibus enim cuiuscunq; ordinis, sexus, ætatis hominibus, est adeo communis hæc perturbatio, ut nemo se ab ea liberare queat, nequidem constantissimi, fortissimi, ac sapientissimi quiq;.

Huius rei exemplum nobis suppeditatur in Plutarch. vita Alexandri, in qua refertur, Cassandrum Antipatri filium, ob insidiarum suspicionem aliquando ab Alexandro malè exceptum, & post Cassandri Alexandri mortem in regem Macedoniæ, toti- terror manusq; Græciæ creatum: cum semel Delphis in- ximus unde? ambularet, & inter alias statuas simulachrum Alexandri inspiceret, tanto terrore perculsum fuisse, ut subito toto corpore contremuerit, & ad illius imaginis conspectum æstuans ægrè se collegerit.

Huiusmodi pavor sive terror, non tantum accidit ex conspectu aut recordatione eorum, qui nobis infesti sunt, quos ob iniurias nobis illatas, ultiōnem meditari suspecebantur: at diversas alias ob causas aliunde etiam nascitur.

F 5

Neq;

Neq; enim leones, tigrides, aliaq; id genus ferocia animalia ob solum metum mortis reformidantur, et si iustum suppedimentum terroris argumentum. Nec serpentes etiam, buffones, araneæ idcirco timentur, quod venenis suis nos possint perimere. At naturæ sunt quædam & peculiares hominum proprietates, quæ ~~aristoteles~~ dicuntur, quibus hoc vel illud citra apertam causam odimus & metuimus, et si ab eo nihil incommodi pati possimus. Atq; huiusmodi naturales affectiones nullam curationem sui admittunt.

Memini magni cuiusdam principis, qui me inter domesticos usus est medico adhuc iuveneret: cuius summa erat animi fortitudo & adversus hostes in procinctu invicta ferocia: qui tam facile aspectu aut sensu aliquius muris in cubiculo degensis perterrebatur, ut se ipsum vix contine-re posset.

Memini etiam Anglum quendam nobilem a me convivio aliquando exceptum cum multis aliis nobilibus viris, quem videre licuit in medio prandio corpus modò hunc, modò illuc agitare, ac torquere, modò pallescere, modò sudores emittere, ita ut ab omnibus crederetur accum-hentibus, gravi aliquo malo conflictari: nisi ab aliquo ex convivis nobilissimo viro, apud quem ille Anglus agebat, nobis narratum fuisset, necessario in cubiculo felem adesse, cuius præsentiam simul atq; nobilis ille Anglus vel oculis vel sensu tantum perciperet, his animi motibus & perturbationibus angeretur. Cuius rei ratio aliò referri non potest, quam ad antipathias naturales,

Iles, quibus mures natura feles reformidant, & oves lupos, simile quid dici potest de occulta Antipathia, qua nonnulli homines oderunt certa quædam animalia tum sylvestria tum domestica.

Hæc affectio seu perturbatio longè ulterius progrederetur: si quidem ali aquas & naufragia reformidant, qui *adversus eos*, vocantur: alii auditotumitru mirum in modum percelluntur, qualis fuit Caligula Imperator: quem scribant fuisse *Caligula* natura pertimidum, usq; adeo, ut vel mediocri *Imperator.* tonitru audito, formidine quateretur, & subterraneas latebras amenti similis percontaretur.

Novi strenuos & bellicosos milites ac duces, qui ad aspectum phlebotomiæ deficiebant animo, licet illi in prælio enses, hostium cruento audacter inficerent, nec ulla mortis formidine tenerentur.

Istud quidem timoris genus adventitium est, & occultis quibusdam causis implicatum: aliud verò insitum & naturale, à quo vix, ac ne vix quidem, homo se ipsum potest temperare. Atq; id est quod Zeno respondebat apud Laertium cuidam interroganti, cur canem sibi allatrantem timuisset: *Per difficile est*, inquit, *prorsus hominem exuere*. quibus verbis licet inferre, hominem nunquam esse tam fortem, quin aliquando ostendat se hominem esse, & affectibus obnoxium.

De Aristippo referunt etiam historiæ, dum *Gellius lib. navi* veheretur, ob exortam subito vehementem 19. cap. 1. tempestatem, quæ naufragium minaretur, timore ex-

re expalluisse : quod miles quidam animadver-  
tens ridendo dixit , illum parum philosophicè se  
gessisse , cum ipse nihil metueret , cui Aristippus  
respondit : Non eadem causa tibi atq; mibi fuit me-  
*Elegans*  
*responsum*  
*Aristippi.* tuendi : Tu pro anima nebulonis sollicitus non fuisti :  
,, gi potest , phantasia quidem mali , Stoicos philoso-  
,, phos moveri potuisse tanquam homines : at ovixatá-  
,, et non addidisse .

Certissimum quidem est , nonnullus reperiri  
usq; adeò fortis , constanti ac pacato animo , ut  
nulla ratione eiusmodi perturbationibus vin-  
cantur ac consternentur , etiam si ex improviso  
ipsis occurant . At rara est talis constantia , &  
paucis familiaris : non enim omnes Fabricii sunt .

*Plutarh.* in Fabricius enim cum legatus esset à Romanis  
*vita Pyrrhi* missus ad Pyrrhium Epirotarum regem : tenta-  
tus est ab illo , num quid de constantia & animi  
fortitudine , cuius insignem apud omnes repor-  
tabat gloriam , remitteret : & ad temptationem il-  
lius cum iussisset Rex inter tapetes celari Ele-  
phantem , qui Fabricio illac transiunti immatri-  
ter arruderet , ac incautum perterreret , nullo  
modo terribili illius animalis boatu atq; inopino  
percussus est , imò verò cum illud de industria  
factum suspicaretur , sic Pyrrhum compellavit :

*Insignis* Neg<sub>3</sub> aurum tuum ô Rex me heri , neg<sub>3</sub> Elephas tuus  
*Fabriū* hodie perterrefcit . Atq; hæc exempla sunt nota-  
constantia . tu dignissima , magnæq; virtutis & efficacizæ : ex  
,, quibus liquet , tanta constantia prædidos occur-  
,, risse aliquando homines , & adhuc posse occur-  
,, rere , ut nullo terrore correpti , varias huiusmo-  
di

di animi perturbationes citra molestia perferant.

Restat tandem de timoribus quotidianis nulli non familiaribus, iisq; inter alios gravioribus differere: nempe de iis, qui ex ægritudinibus, & corporis animiq; affectionibus concipiuntur: ubi apertissimè innotescit, hanc animi perturbationem omnium esse callidissimam & perversissimam: cuius astutia saepius decipimus ac incauti opprimimur. Etenim per timorem saepè accidit, ut etsi cornucopia rerum nobis affluat, integraq; valetudine fruimur, ut tamen inopiam rerum & sanitatis iacturam, temere reformatheus. Quid autem hoc est aliud quam venturis miseriis, iisq; incertis torqueri, quiete nostra, qua recreari debemus, cum opportunè occurrit, spoliari, & ante tempus divexari? Nec id solum ab hac conflatur affectione, quin immo tyrannica ista perturbatio, malum, quod bonum revera dici meretur, nobis obiicit metuendum: bonumq; aliena mali specie larvatum nobis fugiendum representat. Huius generis speciem in tribulationibus videre licet, quas velis remisque omnes diffugiunt, & aversantur: cum tamen ille sint nobis in primis salutares, & ianuam beatitudinis aperiant. Etenim ut docet Apostolus, *que utilitas ex moribus.*

*per multas tribulationes introire necesse est in rebus.*

*gnum colorum:* Siquidem ex nos ad Deum cognoscendum, timendum & orandum excitant, nostrisq; naturæ corruptionem oculis subiiciunt, ac mortem ex peccato obtinat perpetuò commonefaciunt.

Si Ethnici pridem; ex nomine deplorandi,  
quod

*timor ex  
morbo.*

quod Deum non noverunt, eiusmodi meditationibus, calamitatum temporibus, animum exercuerint: quid de Christianis cognitione Dei imbutis colligendum & inferendum est? Nonne

*Antigonus per morbus sapere dicit* ma ægritudine sanitati restitutos, *Hodie* inquit, *didici* ( compellans quandam ex domesticis ) *ex*, *„ morbo meo, me esse mortalem. Antea enim cum in-*, *„ tegra & firma sanitate fruerer, omnij luxu ac de-*, *„ luis diffuerem, tanquam potentissimus Rex, de mor-*, *„ te futura nunquam cogitavi. Sic ille ex morbo mo-*mentaneam esse vitam hominis, eamq; uno ha-  
litu quo lovetur, finiri, fateri adductus est: ita ut nec ulla potionē medica, vix ad breve tem-  
pus valeat retineri. Atq; hinc elucescit, quantum boni, potius quam mali ex huiusmodi affectio-  
ribus oriatur, quæ idecirco magis optandæ,  
quam metuendæ sint, et si falsò malæ ab ignarib;  
iudicentur.

*Antidotus aduersus metum.* Eædem præterea calamitates ac morbi, veri antidoti aduersus metum, vices subeunt: metum inquam, vel ipsius mortis: cuius amorem potius nobis, quam timorem conciliant. Mors siquidem nos omnibus miseriis, ærumnis ac cruciati-  
bus liberat, à quibus magis distorquemur, quam ab ipso supremo fato, quod malorum omnium ultima linea est ac remedium.

Qui horrenda quadam epilepsia invaditur: qui epulando & deliciis ac voluptatibus indul-  
gendo, nihil minus, quam subitum exitium me-  
tuens repente fulmine apoplectico iter conci-  
dit: aut ( si animam non exhalet ) vel membris  
omni-

omnibus, aut media corporis parte percellitur. Quid is in reliquo vitæ cursu omnibus corporis functionibus privatus cum voluptate expetat? Imo qui non ista eum invitent, ad mortem potius efflagitandam, tanquam omnium malorum portum certissimum: aut meditandum, quām vana sit & caduca vita humana, ut eam in bonorum numerum nequaquam recenseat, sed meliorum quærat, ad quam illa nos introducit?

Quos pleuritis acriter & sibi intermissione lancinat, quorūq; pectus magna angustia premitur: Qui colicis, nephriticis, & arthriticis nocte dieq; doloribus conficiantur, mortemq; in auxilium saepius invocant: nunquid jure subsidium illud implorant, quod ē tantis inalis eos eripiat? nunquid illi, qui ex miserrimo & calamitosissimo hoc mundo egressum optant, laudatis votis commendabuntur, præsertim cum in beata vita, perpetuam quietem expectent, eamq; certo sibi polliceantur?

Sed cūm certissimo Dei decreto fixum & ratum sit, ut necessariō sit moriendum, & naturæ tributum persolvendum, proindeq; deserendæ huius mundi, quæ putantur, deliciae, ut alacriores ad exitum pareantur: Deus optimus melliti deliciarum fellis nonnihil intermiscat admodum acris amarique, quo nos ab illis ablactet, ne semper iis immoremur: instarque nutricis *Elegans &c.* amaris rebus mammillam oblinientis erga nos se gerit, quæ alumnū suū à lacte se vocat, ut firmiori & constantiori cibo assuecat: Sic Deus mundanis deliciis moerores intermiscat, ut *ad*

ad certiorem tranquillioresq; vitam, in qua nihil stomachum perturbet, nec animum moveat, nos provocet, & adducat. Atq; huc spectant morbi & ægritudines tum corporis, tum animi, ut suaviore regni coelestis sedem meditemur: ad quam eveneti beatè ac feliciter in æternum quiescamus.

Sed hæc videntur esse animæ, non corporis remedia. Nos vero qui corporum etiam ægrotum curam suscepimus, ut finem huic perturbationi imponamus, annectemus auxilia, quæ corpori ipsi satisfaciant, quemadmodum & in aliis morbis eidein succurrere consuevimus.

*Officium re-  
vi Medicis.* Veri igitur medici officium sit, ægrum solari, eidemq; bonam futuræ sue pristinæ valetudinis spem concitare: ac periculum, si quod inesset, vitæ dissimulare. Interea tamen, etiæ deploratissimus esset morbus, ipsimet ægrotanti sua solertia cognitus, bonis tamen verbis à medico recreandus est: nec non ope medicinæ, in salutem hominum createæ, ut multa sibi bona polliceatur, hortandus est: Ipse Deus in optimum & benevolum medicum ac potentissimum proponendus, qui ex morte ipsa, vel exanimis possit revocare: eum esse, qui ex sepulchris mortuos eruat: in eum totam spem & fiduciam esse rependam: nec medicorum prædictionibus immorandum, ut quæ sepius fallaces & incertæ sint: multos in gravissimis morbis à medicis fuisse derelictos, & morti adiudicatos, qui singulari tamen Dei benignitate restituti sint: Deniq; non prius de vita esse desperandum, quam spirandi finis accesserit.

Atq;

Atq; hæc quæ ægris opportunè spes iniicitur,  
magni est momenti, & insigne pharmacum,  
quod non minus morbis omnibus opitulatur,  
quam metus è contrà lethali suo veneno omni-  
bus est exitio.



## DE TRISTITIA.

### Cap. IX.

**P**HILOSOPHICA medicaque methodo ad  
amissim excutiemus, quicquid ad hanc spe-  
ctat affectionem, è gravissimis animi corporisq;  
perturbationibus non minimam. Si igitur ali-  
quantulum in illius explicatione immorabitur,  
veniam eo præsertim nomine merebimur, quod  
ad faciliorem tantæ ægritudinis, exactamque  
cognitionem conatus nostros dirigamus.

Hæc ergo passio, ut ab illius descriptione ac-  
curatum sumatur exordium, nihil aliud esse de-  
prehenditur præter moerorem ac languorem  
quendam ex apprehensione alicuius mali præ-  
sentis, aut certè proximè ingruentis metu con-  
tractum. Qui quidem metus animo conceptus  
cor confestim exagitat, mentem obnubilat, om-  
nes animales facultates perturbat, omnibus sen-  
sibus, tam externis, quam internis ruinam mina-  
tur præsentissimam: ac deinceps (ut paucis mul-  
ta complectar) adeò omnes nostras vitiat &  
inficit actiones, ut illius malignitate vis imagi-  
naria de suo statu deturbetur: cerebrum debili-  
tetur,

G

*Descriptio  
tristitia.*